

**Umiarsualivimmiinnermut aamma umiarsuit takornarianik angallassissutit ilaasunik angallassinerrannut akileraarutit pillugit Namminersornerullutik Oqartussat nalunaarutaat nr. 5, 7. marts 2003-meersoq**

Umiarsualivimmiinnermut akileraarutit pillugit Inatsisartut inatsisaanni nr. 20, 30. oktober 1992-imeersumi § 12 aamma § 14, imm. 3 naapertorlugit makku aalajangersarneqarput:

§ 1. Umiarsuit akileraartussaataitaasut umiarsualivinnut ataani taaneqartunut nunalittut umiarsualivimmiinnermut akileraarutininik akiliisinneqartassapput:

- 1) Qaanaaq,
- 2) Upernavik,
- 3) Uummannaq,
- 4) Qeqertarsuaq,
- 5) Ilulissat,
- 6) Qasigiannuguit,
- 7) Aasiaat,
- 8) Kangaatsiaq,
- 9) Sisimiut,
- 10) Kangerlussuaq,
- 11) Maniitsoq,
- 12) Nuuk,
- 13) Paamiut,
- 14) Narsaq,
- 15) Narsarsuaq,
- 16) Qaqortoq,
- 17) Nanortalik,
- 18) Ammassalik aamma
- 19) Illoqqortoormiut.

§ 2. Umiarsuit aalajangersimasumik Kalaallit Nunaanniittut aammalu umiarsuartut annaassiniutitut kalittaatitut, siorartaatitut, ujaqqanik qalluisutut kiisalu aqqartartut umiarsuaattut aammalu prammitut sanaajusimasut, taamatullu ingerlatsisut umiarsualivimmiinnermut akileraarutininik akiliisussaataitaanngillat.

Imm. 2. Aammattaq makkua umiarsualivimmiinnermut akileraarutininik akiliisussaataitaanngillat:

- 1) umiarsuit taamaallaat aalisakkanik aalisakkanilluunniit nioqqutissianik Danmarkimi, Savalimmiuni nunaniluunniit allani pisiarineqarsimasunik Kalaallillu Nunaanni aalisakkanik tunisassiorfinni suliarineqartussanik usingiartut,
- 2) umiarsuit nunaqarfinnut isorliunerusunullu aalisakkanik aalisakkanillu nioqqutissianik tunisisartut,

umiarsualiviit § 1-imi taaneqartut arlaannut nunalittut,

3) umiarsuit taamaallaat uuliamik uuliamillu nioqutissianik assartuineramik ingerlataqartut.

**§ 3.** Umiarsualivimmiinnermut akileraarutit pillugit Inatsisartut inatsisaanni nr. 20, 30. oktober 1992-imeersumi pisussaaffiit pisinnaatitaaffiillu Akileraartarnermi Pisorta qarfirmut inissinneqarsimasut umiarsualivimmi oqartussaasumit isumagineqassapput.

Imm. 2. Suliassalli imm. 1 naapertorlugu umiarsualivimmi oqartussaasumut suliassiissutigineqartut, Akileraartarnermi Pisorta qarfik akuersiseqqaarnagu, allanit isumagisassanngorlugit umiarsualivimmi oqartussaasoq piginnaatitsisinnaanngilaq.

Imm. 3. Una nalunaarut naapertorlugu umiarsualivimmi oqartussaasup aalajangiineri Akileraartarnermi Pisorta qarfirmut naammagittaalliutigineqarsinnaapput.

**§ 4.** Umiarsuup naalagaa, imaluunniit inuttaasoq alla akisussaassuseqartoq pisussaavoq umiarsuup aallannginnerani umiarsualivimmi oqartussaasup erseqqinnerusumik ilitersuineri naapertorlugu umiarsuup suunera, umiarsuup BRT/BT-ia, ullut unnuallu qassit umiarsualivimmiissimanersoq kiisalu akileraarutissat naatsorsorneqartut akuerineqarneri pillugit umiarsualivimmi oqartussaasumut nalunaaruteqarnissamut.

Imm. 2. Nalunaarutit imm. 1-imi pineqartup tunniunneqarnera ilutigalugu umiarsualivimmiinnermut akileraarutit akiligassanngorsimasut umiarsualivimmi oqartussaasumut akilerneqassapput.

**§ 5.** Umiarsuit ingerlatsivimmit pigineqartut attartorneqarsimasulluunniit allatut akiliisarnissaq pillugu Akileraartarnermi Pisorta qarfirmik isumaqatigiissuteqarsimasut § 4-mi ilaatinneqanngillat.

**§ 6.** Nalunaarutit § 4, imm. 1 naapertorlugu qaammatip siuliani tunniunneqarsimasut assilineri umiarsualivimmi oqartussaasup Akileraartarnermi Pisorta qarfirmut nassiutissavai, akileraarutillu qaammatip siuliani akilerneqarsimasut kingusinnerpaamik qaammatip tulluuttup ulluisa 15-iani akilertassallugit.

Imm. 2. Ingerlatsiviit § 5-imi taaneqartut akileraarutit tamarmiusut qaammatikkaartumik naatsorsortassavaat naatsorsuusiortifillu nassiutissallugu kiisalu akileraarutissat naatsorsorneqartut akilertassallugit Akileraartarnermi Pisorta qarfirmut kingusinnerpaamik qaammatip tulluuttup ulluisa 15-iani.

**§ 7.** Qaammatisiutit malillugit ukiut naaneri tamaasa umiarsualivimmi oqartussaasup naatsorsuuserisuata Akileraartarnermi Pisorta qarfirmut nalunaarutigisassavaa, umiarsualivimmiinnermut akileraarutit pillugit Inatsisartut inatsisaanni nr. 20, 30. oktober 1992-imeersumi aalajangersakkat nalunaarummilu uani aalajangersakkat malillugit umiarsualivimmiinnermut akileraarutitut akiligassiisarnerit, akiliutinik ingerlateqqiisarnerit allaffissornikkullu aquunneqarnerat suleriaasissatut pilersinneqarsimasut naapertorlugit suliarineqartarsimanersut.

**§ 8.** § 4-mik aamma § 6, imm. 2-mik unioqutitsineq akiliisitsinermik pillarneqaatissiisutaasinnaavoq.

**§ 9.** Nalunaarut ullormi 15. marts 2003-mi atuutilissaaq.

Imm. 2. Tamatumunnga ilutigitillugu umiarsualivimmiinnermut akileraarutit pillugit nalunaarut nr.

28, 27. november 1997-imeersoq atorunnaarsinneqassaaq.

Namminersornerullutik Oqartussat, ulloq 7. marts 2003

Augusta Salling

/

Kaare Hagemann